



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm X. Si propter.

[urn:nbn:de:hbz:466:1-62559](#)

impetrationis seu datae literarum, propter obreptionem, irritum fuit, non potest tractu temporis, propter rei mutationem, conualefcere. Ita intelligit & explicat Abb. in c. dilectus 27. n. 8. de præb. Felin. in c. eam te n. 18. hoc tit. Mart. Nauarr. in c. si quando except. 10. n. 6. vbi ait, quod ad cognoscendum, num rescriptum beneficiale obreptitium sit, attendi debet tempus date: Ita ut non sufficiat tempore executionis impetrantem habilem esse ad beneficium; nisi etiam fuerit tempore impetrationis, siue datae literarum. Qui est casus huius cap. Ratio dari debet, quia non firmatur tractu temporis, quod ab initio deiure non subsistit, reg. 18. in 6.

Neque obstat huic doctrina c. ei cui 29. in 6. vbi significari videtur per sensum contrarium, interprete Gl. ibid. ver. nondum, Si quispiam à Papa gratiam impetravit, quā simpliciter mandabatur, vt beneficium proximè vacaturum ei conferretur; accidat autem, vt vacet sacerdotalis; conferri non posse vi eius rescripti, si tunc, id est, tempore vacationis impetrans etatem legitimam aseccutus non sit; postea autem, si tunc aseccutus sit. Itaque ait Glossa: *inspicimus non tempus date siue vacationis beneficij, in quo gratiae beneficialis executio fit.* Resp. cum Abbat. & Felin. cit. locis. In cap. illo Ei cui, nullam obreptionem contigisse; Igitur aliam regulam ex eo colligi; Videl. Cessante obreptione, si agatur de gratia, cuius effectus pendens & executioni mandatus non est, spectandum esse tempus non concessionis, seu impetrationis, sed executionis.

Ex quo colligit Abb. loco suprà cit. Dominic. & Francus h̄c n. 5. Si Papa motu proprio mandasset iuxta tenorem huius c. videl. vt Titio beneficium proximè vacaturum cum cura, vel sine cura, prouideatur, posse prouideri curatum; et si tempore impetrationis etatem requisitam ad curatum non habuerit; dummodo eo tempore habeat, cum vacat curatum. Ratio est: quia motus proprius tollit obreptionem, c. si motus, 23. vbi omnes DD. de præb. in 6:

Dicit quispiam: Motus proprius tametsi obreptionem tollat, non tamen tollit inca-

pacitatem, seu inhabilitatem personæ; nisi quid addatur, ex quo colligi posse, Papam dispensare, seu impedimentum tollere velle, vti docet Gl. recepta in Clem. Si Romanus 4. ver. validam, de præb. & alia Gl. in cit. c. si motu, ver. ob hoc: vbi exempla ponuntur, de defectu natalium, vel aetatis, vicio corporis, bigamia, & similibus, quæ licet per viam subreptionis parti opponi non possint, opponuntur tamen per viam iuris communis; cum proprius motus talium dispensationem non faciat. Resp. nullam esse hic difficultatem: Vera enim hæc sunt, si adsit incapacitas ex parte recipientis gratiam; vt si Papa pueri conferat beneficium curatum; cum tamen nullum indicium appareat voluntate dispensare. Hic autem nulla adest incapacitas ex parte recipientis gratiam; cum secundum ius certa ætas, videlicet 24. annorum completotum, non requiratur ad acquirendam gratiam pro beneficio curato vacatu; sed vt eam ætatem habeat clericus, cum ei tale beneficium confertur.

N O T A N D V M II. Rescriptum beneficiale, quod secundum unam partem obreptitium & irritum est, secundum alteram partem, non connexam, sed separabilem, constere potest. Quia utile per inutile vitiarum non debet, reg. 37. in 6. Sunatur aperte ex hoc c. ibi, *Beneficium autem sine cura, & tradit Gl. communiter hic recepta, in fin. notando, Felin. allegato hoc c. in c. Sedes n. 2. hoc tit. Nauarr. consil. 8. n. 3. hoc tit. Gaill. lib. 1. obs. 66. n. VI.*

CAPITVLVM X. Si propter.

P A R A P H R A S I S.

Bonifacius VIII. Episcopo cuidam specie- li gratiâ concessit, vt ad dissolutionem debitorum ecclesiæ suis omnium beneficiorum vacantium in diœcesi primos frater- tus ad quinquennium percipere possit, non obstantibus quibuslibet consuetudi- nibus, priuilegijs, vel statutis, per quæ gratia ista impediri posset. Sed quia e-

V; liquo.

liquorum beneficiorum fructus primi anni speciali consuetudine, priuilegio, vel statuto debebantur ecclesiæ Cathedralis fabricæ, vel alteri vsui, vel alicui personæ singulari, dubitatum fuit, quid de his fructibus faciendum esset. Resp. Papaæ intentionem suam non esse, nouâ illâ concessione specialibus antea factis primorum fructuum applicationibus præiudicium afferre, nisi id expressum fuerit,

S Y M M A R I V M .

1. In generali concessione primorum fructuum Episcopo facta non comprehenduntur ij, qui antehac fabricæ, alterius pio vsui, aut personæ debebantur.
2. Fructus hi seu redditus primi anni, quo & annata vocantur, in vacantibus beneficijs iure designari possunt, & alterius pio vsui aut personæ applicari non tantum à Papa, sed etiam ab inferioribus Ordinarij, qui tamen applicare non possunt eas sue mensæ.
3. Si Episcopo Pontifex fructus omnium in diaecesi vacantium beneficiorum cedat, ea generalitate comprehenduntur etiam dignitates v. g. Praepositura, Decanatus &c.
4. Non autem beneficia, & Prælatura excepta.

HVIVS c. responsum non uno modo intelligitur: Aliqui volunt, mentem Pontificis Bonif. VIII. fuisse, ut fructus primi anni ex vacantibus beneficijs darentur ecclesiæ fabricæ, aut personæ illi, cui antehac dari debebant: at verò fructus anni secundi, ex speciali Pontificia concessione, Episcopo obuenirent. Ita significat Ioan. Monachus in c. cum aliquibus, ibid. Probus hoc tit. & lib. & alij, quos refert Gl. final. hic: Quia clausula *Non obstantibus* non tollit obstatcula temporalia: (quod enim differunt, non auferunt) sed quæ gratiæ extinctionem operari possent. Alij vero, vt Gl. cit. Ioann. Andr. & alij multi dicunt, fructus primi anni Episcopo deberi ex Papali hac concessione; fructus autem secundi anni ec-

clesiæ fabricæ, vel alteri vsui, iuxta consuetudinem, statutum, &c.

Sed neutra exppositio textui congruere videtur: Et cum reseraciones primorum fructuum cedant in præiudicium ac damnum beneficiariorum, prout videre licet in extrauag. Ioannis XXII. Papæ *Suscepti*, inter communes, Ne Sede vacante aliiquid innouetur; ideo credibile non est, nomine primorum fructuum, etiam secundi anni fructus hic comprehensos fuisse: cum id magna & exorbitans extensio esset.

Placet itaque intellectus, quem rubrica c. indicat, & tradidit hic Archidiaconus Petr. Ancharanus; explicant & declarant hic Anton. n. 5. & seqq. Francus n. 12. Quod in generali concessione primorum fructuum Episcopo facta, comprehendendi non debent ij fructus, qui antehac fabricæ, alterius pio vsui, aut personæ debebantur: Propterea, quod Papa non censetur vni gratiam facere, cum alterius damno & præiudicio: Cum notum sit, quod priuilegium speciale deroget priuilegio generali, præsertim subsequenti, c. 1. hoc tit. in antiqu. vbi id docuit 3. dicto 4. & pertinet huc iuris reg. 81. in 6. In generali concessione non veniunt ea, quæ quæ verisimiliter non esset in specie concessurus.

Neque iuuat causam Episcopi clausula *Non obstantibus*, posita in textu; quia ea intelligi debet secundum limites concessio- nis; videlicet eorum beneficiorum vacantiū fructus primos, qui ex voluntate Pontificis Episcopo obuenire debent, nulla consuetudo, priuilegium aut statutum (si quod sit v. g. vt fructus omnes sine diminutione ad successorem in beneficio perueniant) impedit posse. Voluntas autem Pontificis alia non fuit, neque rationabiliter esse potuit, nisi eorum omnium beneficiorum vacantium, quæ antea simili onere erga alteram causam, aut personam grauata non erant, fructus ad quinquennium Episcopo, ad soluenda debita, concedere.

NO T A N D Y M I. Priuilegium sive gratia generalis non derogat priori gratiæ seu priuilegio speciali; sed potius ab ea limitatur.

tur, seu derogatur, iuxta regul. 81. ff. In toto iure generi per speciem derogatur.

N O T A N D V M II. Fructus seu reditus primi anni, quæ & annatae dici solent, legitimâ auctoritate designari possunt in vacantibus beneficijs ecclesiasticis, ut summo Pontifici, Episcopo, ecclesiæ fabricæ, vel alteri pio vsui, ob rationabilem causam, applicentur. Et fieri solet hæc fructuum demendo- rum designatio ante beneficiorum collatio- nem, ita ut affecta iam hoc onere ad instituendos beneficiarios perueniant, prout an- notauit Thom. Campegius de annatarum institutione, n. 11.

Q V E S T I O prima: Cuius auctoritate annatae seu beneficiorum primi fructus de- signari, & alteri pio vsui aut personæ appli- cari posint? Respondeo, De Rom. Pontifice non posse esse dubium, prout constat etiam ex hoc c. sed & inferiores Ordinari- os, videlicet Episcopos, ex iusta & ratio- nabilis causa, beneficijs annatas imponere posse, docent DD. hic in Gl. margin. Cam- peg. cit. loco. n. 6. Ioann. Andr. hic n. 5. vbi re- soluit, quod Episcopus cum Capitulo, sta- tutum facere possit de certa parte fructuum primi anni ex beneficijs in diœcesi vacanti- bus applicanda ad fabricam ecclesiæ cathe- dralis, si eius reparandæ necessitas sit. Non potest autem Episcopus, etiam cum Capi- tuli consensu, statuere, vt primi anni prouen- tus sue mensæ applicentur; quia auctorita- tem præstaret in proprio facto, seu pro- prium commodum, Clem. 2. de rebus ecclie- siæ non alienand. Quare hoc in casu Pon- tificiæ auctoritate opus est, prout etiam in hoc c. appetet.

Videri possunt, quæ de annatis scripsi Theol. moral. lib. 4. tr. 10. cap. vlt. §. 5. n. 46. Quod adhuc hodie in quibusdam Germa- niæ ecclesijs vigent, & quidem ita, ut Epis- copo primi fructus, seu potius eorum pars moderata reseretur. Neque satis constat, num per Concilium Tridentinum sess. 24. cap. 14. de reform. huiusmodi primorum fructuum ex vacantibus beneficijs subtra- ctio simpliciter prohibita sit; an verò dunta- xat, ne ita accipientur, ut simoniae speciem

gerat, pro collatione aut institutione capi- antur.

Q V E S T I O secunda: Si Pontifex, iuxta casum huius c. omnium in diœcesi vacan- tium beneficiorum fructus Episcopo con- cedat, num eâ generalitate comprehendan- tur etiam dignitates, v.g. Praepositura, Deca- natus: & num etiam beneficia & Prælatura exemptæ? Ad primum, videri posset negati- è esse respondendum: Quia in materia odiosa, adeoque strictæ interpretationis, nomine communi beneficiorum non veni- ent dignitates: hæc autem annatarum con- cessio odiosa esse videtur; cùm sit contra primæuam beneficiorum institutionem; at- que deroget iuri instituendorum beneficia- riorum, quibus integri prouentus obueni- re deberent, iuxta tit. lib. 3. decret. vt bene- ficia ecclesiastica sine diminutione conferan- tur. Nihilominus affirmatiuam partem re- stè hic tenent Ioan. Monach. & Ioan. Andr. & sumitur apertè ex c. penult. de verbis. si- gnif. Ratio dari debet: Quia hæc conces- sio siue indulgentia potius fauorabilis, quam odiosa censerri debet, prout hic Gl. indicat, ver. primi anni, & tradit Francus hic n. 6. Domin. n. 9. Idque partim spectatâ intentione Pontificis, iuxta regulam, quam ijdem DD. tradunt, Couarr. lib. 1. resol. cap. 11. n. 5. Sanchez lib. 1. de matrim. disp. 1. n. 4. In dis- positionibus, quæ vnâ ratione odium siue onus, alterâ fauorem continere videntur, principalem disponentis intentionem consi- derandam esse: dummodo ita res constituta sit, vt odium à fauore separari non posset: At verò si separari queant, tum eâ parte, quâ dispositio fauorabilis est, latè explicari, quâ verò odiosa, strictæ interpretationis esse de- bet, prout cit. locis Couarr. Sanchez decla- rant: Cùm itaque intentio Papæ præcipua fuerit fauorem Episcopo præstare, vt à de- bitis, quibus Episcopatus grauatus erat, li- beraretur; nec posset fauor iste separari ab onere, seu derogatione iuris, qua de obiectio fuit, ideo dicendum, concessionem hanc latè explicandam esse: Partim verò, spectatâ ma- teriâ concessionis, hoc ipsum dici conuenit: Cùm sit facta Episcopo, tanquam patri-

com-

comparatione maiorum beneficiariorum diœcesis : quibus, ut filiis, incumbit prouidere Episcopo, si indigeat : eaque ipsa prouisio, sive subsidium in honorem ipsorum quoque deriuatur. Quare licet absolute loquendo, onus quoddam eorundem sit, tamen charitas subleuat, ut non afflimeretur. Deinde si alij inferiores beneficiarij onus sustineant, ut primi anni fructibus, aut aliquâ eorum portione careant, multò id magis sustinere decet Præpositum, Decanum, & Canonicos ; quippe qui in maiore gradu constituti, Episcopo suo propinquiores, magisque coniuncti sunt.

Ad alterum membrum questionis, affirmatiuè respondet Ioan. Andr. hic n. 1. Petri Ancharan. not. 3. Tametsi enim beneficia à iurisdictione Episcopi exempta sint, tamē in diœcesi eius existunt. Sed contrarium magis placet, quod hic Archidiaconus & alij ab Anton. de Butrio n. 2 o. allegati docuerunt.

4. Nam beneficia hoc ipso quid à iurisdictione & curâ Episcopi exempta sunt, cum ipso communionem non habent ; ideoq; nec obligationem erga ipsum suscipiunt, præterquam in casibus specificè expressis. Confirmatur : Exemptio est veluti speciale priuilegium : Et ideo per generalem concessionei ei derogatum censetur, argum. huius c. & l. decurionibus 3. C. de silentiarijs lib. 12. iuncta Gl. Ad argum. pro parte affirmativa resp. Beneficia exempta, cùm administratio episcopali subiecta non sint, non censi esse de diœcesi saltem generali appellatione beneficiorum diœcesis, in oneribus seu præstationibus non comprehenduntur.

CAPITVLUM XI.

Statutum.

PARAPHRASIS.

Circa modum rescriptorum Apostolicorum ad lites aliter hic statuit Pontifex Bonifacius, quam antea tum ab ipso, tum ab alijs Pontificibus statutum erat. Et pri-

mò decernit, ut controversia auctoritate Sedis Apostolice, vel legatorum eius, alijs non delegentur, quam ecclesiasticam dignitatem, vel personatum obtinentibus, aut Cathedralis ecclesiæ Canonici. Deinde ut hæ causæ alibi non cognoscantur, quam in ciuitatibus & locis insigibus, vbi copia peritorum haberi possit.

S U M M A R I U M .

1. Causa ab Apostolica Sede, vel eius legatis consimili debent dignitatem ecclesiasticam aut personatum gerentibus, & Cathedralium ecclesiarum Canonici.
2. Dignitatem habet, & delegationis capaces sunt, qui à preeminentia, quam cum ecclesiastica iurisdictione gerunt, amonibiles sunt. Hinc delegati Pape esse possunt Vicarius Episcopi generalis, seu Officialis principalijs ; & si duo sint Officialis, agnè principales, utrique delegari potest.
3. Priors, qui toti Conueniui cum iurisdictione presunt, possunt esse delegati Pape ; non autem Guardiani Ordinis Minorum ; nec Superiores Societatis JESU sine Prepositi Generalis licentia.
4. Beneficium & dignitas liber se ut excedens & excessum. Vicarius enim generalis dignitas est, non beneficium ; idem est de Cancellariatu in Academia à Sede Apostolica approbatâ, & Superioratus Ordinum Mendicantium. Commissio alicui facta ratione officij vel dignitatis, quam postea resignavit, non ab ipso sed eius successore expediri decet, scimus est, si commissio facta sit persone.
5. Canonicus, ad quem literæ Papales directæ sunt, ingrediens religionem, p̄test eas exequi.
6. Professi ecclesiæ Cathedralis regulares possunt esse Pape delegati, aut Legati ; uti uniuersim omnes Canonici, etiam qui præbendam non habent.
7. Altere